

ricus¹⁾, Bertholdus de Druchburg, Henricus de Christanihofen et filii [eius] Rudolfus et Ottakerus et alii plures.

Eodem quoque anno factum est concambium inter nos et ministeriales Campidonensis²⁾ ecclesiae, Williburgam scilicet ac filios eius, in praesentia abbatis Lantfridi³⁾ et Welfonis⁴⁾ advocati [eius] coram multis hominibus. Nos nimirum praedium nostrum in Diezelinis⁵⁾ praedictae Williburgae et liberis eius et Hugoni marito ipsius pro feudo, quod ipsi habuerunt in Durraha⁶⁾, concambiando tradidimus; insuper ut magis rata foret actio, decem et unum talenta superaddidimus. Cuius negotii rati et firmi testimonii paginam habemus scriptam in archivis utriusque ecclesiae cum idoneis testibus.

Anno incarnationis domini 1171 comes Wolfradus postulavit a nobis quasdam mansiones ecclesiae nostrae in foro villae Ysni istius cum agro sibi contiguo versus australem plagam, scilicet ad dilatandas atque contruendas forenses mansiones in eo. Nos autem postulavimus partem fluminis sui iuris et insuper duo molendina nuper constructa et nostris molendinis apposita. Facto igitur concambio inter nos sic definitum est: Comes contradidit ecclesiae nostrae, quod nos ab ipso postulavimus, partem videlicet sui iuris in fluvio Hisinina cum omnibus rivulis eum influentibus; dedit etiam molendinum nuper iuxta eundem fluvium ab Herimanno constructum cum pratis nuper excultis ab ipso et aquis quibusdam circa positis; insuper et aliud molendinum in Rotinbach⁷⁾ cum fundo et ripis et alveo fluminis et omni iure suae circumstantiae contradidit nobis. Nos autem mansiones quas ipse postulaverat, cum agro sibi vicino comiti dedimus⁸⁾. Insuper ut magis firma et rata foret actio, superaddita sunt plus quam 20 talenta tam ipsi comiti Wolfrado quam Henrico genero eius⁹⁾, sed et Herimanno, qui aedificaverat molendinum.

Eodem anno data vel coempta sunt haec mancipia de familia comitis Wolfradi: Henricus Rufus in hac villa¹⁰⁾, duo filii Adelberti de Hartprehtis⁷⁾ Agilwart et Adilbert cum sorore ipsorum Gertruda et cum liberis illius de Gottilinishofen¹¹⁾, haec habet praedium. Testes: Henricus comes, gener comitis Wolfradi, Bertholdus de Druchburg et Henricus frater eius de Hochinegge¹²⁾, Henricus cum filiis suis Rudolpho et Ottakero de Christanichofen, Walterus de Summerisbach, ministeriales comitis, et alii complures.

1) Der vorgenannte Graf von Lechsgemünd. 2) Kempten, Hauptstadt des Allgäus. 3) Von Kempten. 4) Welf VI, Vogt des Klosters Kempten. 5) Diesslings bei Zelle, BA. Memmingen. 6) Durach, bair. BA. Kempten. 7) Röthenbach, Ober-Unterharprechts, würt. OA. Wangen. 8) Durch dieses Rechtsgeschäft wurde Isn'y zur Stadt. 9) Graf von Lechsgemünd. 10) Isn'y. 11) Göttlishofen, Rohrdorf. 12) Hohenegg bei Ebratzhofen, bair. BA. Lindau.